

LUTRIJA BOSNE I HERCEGOVINE, d.o.o.
UPRAVNI ODBOR

Na osnovu člana 16. Zakona o igrama na sreću („Službene novine FBiH“ br.1/02), i člana 13. Statuta Lutrije BiH („Službene novine F BiH“ br.43/03), Upravni odbor Lutrije Bosne i Hercegovine, d.o.o. Sarajevo, ul. Alije Isakovića br.1, na sjednici održanoj dana 04.03.2010. godine, donio je

P R A V I L A
robno-novčane srećke "MOJA DJETELINA"

1. OPŠTE ODREDBE

Član 1.

Ovim se Pravilima propisuju uslovi za priređivanje igre na sreću, robno-novčane srećke „MOJA DJETELINA“ (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učešću u ovoj igri na sreću. (čl.22. cit.Zakona.)

Ugovor iz stava 1. ovog člana zaključuje se između Lutrije Bosne i Hercegovine, d.o.o. (u daljem tekstu: Priređivač) i učesnika u ovoj igri na sreću /u daljem tekstu: učesnik /, na osnovu prihvata općih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV, OPIS I VRIJEME TRAJANJA IGRE

Član 3.

Ova igra na sreću ima unaprijed utvrđenu visinu fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na samoj srećki.

Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake serije srećke donosi generalni direktor Priređivača i ista će se objaviti u jednom od dnevnih novina.

3. USLOVI ZA UČEŠĆE U IGRI

Član 5.

Učesnikom u ovoj igri na sreću smatra se lice koje je sa Priređivačem zaključilo ugovor iz člana 2. ovih Pravila, uz dokaz da posjeduje ispravnu srećku (u svemu u skladu s članom 10. ovih Pravila.)

Srećka glasi na donosioca.

4. PODRUČJE PRIREĐIVANJA, ODNOSNO PRODAJE SREĆKE

Član 6.

Srećka se priređuje, odnosno prodaje na području Federacije Bosne i Hercegovine.

5. POJEDINAČNA CIJENA SREĆKE

Član 7.

Cijena jedne srećke je 2 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama.

Jedna serija sadrži 3.000.000 (tri miliona) komada srećaka.

Emisiona vrijednost iznosi 6.000.000 KM.

Fond dobitaka iznosi 62% emisione vrijednosti ili 3.720.000 KM.

Odluku o broju serija donosi generalni direktor Priređivača.

7. VISINA FONDA I VRSTE DOBITAKA

Član 9.

Fond dobitaka jedne serije se raspoređuje po slijedećem planu:

BROJ DOBITAKA	IZNOS DOBITKA	UKUPNA VRIJEDNOST
50 VW POLO x	25.000	= 1.250.000 KM
1.210 x	100	= 121.000 KM
6.000 x	50	= 300.000 KM
90.000 x	3	= 270.000 KM
672.000 x	2	= 1.344.000 KM
435.000 x	1	= 435.000 KM
1.204.260		3.720.000 KM

8. OPIS SREĆKE

Član 10.

Srećka je pravougaonog oblika i rađena je u više boja:

A/ Prednja strana srećke sadrži:

Logo Lutrije Bosne i Hercegovine, animacija automobila Polo, naziv srećke "MOJA DJETELINA", polja sa emulzijom u obliku djeteline sa četiri lista, tri zelena i jedan crveni-srce, ispod kojih se nalaze oznake za robne i novčane dobitke, površine prekrivene emulzijom i riječi „ne skidaj“, bar cod koji sadrži šifru, redni broj serije, serijski broj srećke i cijena srećke.

B/ Poledina srećke sadrži:

PLAN FONDA DOBITAKA

ROBNI DOBITAK: Automobil VW POLO se osvoji kada se poslije skidanja emulzije sa lista djeteline u obliku srca pojavi znak VW.

NOVČANI DOBITAK: Novčani dobitak, u jednostrukom iznosu, osvoji se ako se, poslije skidanja emulzije sa tri zelena lista pojave tri ista iznosa.

Srećka je nevažeća ako je oštećen dio emulzije sa natpisom „NE SKIDAJ“.

Emisija 3.000.000 srećaka.

Fond dobitaka u skladu sa članom 9. ovih Pravila.

Rok prodaje: 30.06.2011. godine.

PRIREĐIVAČ: LUTRIJA BiH, Ul. Alije Isakovića 1., 71000 Sarajevo

Podaci o dobitniku, za oporezive dobitke

9. UTVRĐIVANJE DOBITAKA

Član 11.

Igrač utvrđuje dobitak skidanjem emulzije sa naznačenih polja.
Dobitak je odštampan na srećki u skladu sa članom 10. ovih Pravila.
Igrač u igri nije dužan uzeti srećku na kojoj su vidljivi znaci oštećenja.
Igrač ima pravo na povrat nominalne vrijednosti kupljene srećke, tj. 2 KM ako srećka nije odštampana u skladu sa članom 10. ovih Pravila.

10. NAČIN I ROK ISPLATE NOVČANIH I ROBNOG DOBITKA

Član 12.

Pri isplati dobitaka učesnik je dužan predati Priređivaču ispravnu srećku.
Ispravna dobitna srećka je ona srećka koja sadrži elemente navedene u članu 10. ovih Pravila, tako da se može nedvojbeno utvrditi dobitak.

Dobitke isplaćuju:

Prodajna mjesta Priređivača i zastupnika isplaćuju novčane dobitke

Robno-novčani dobitci se isplaćuju u sjedištu Priređivača.

Uz predaju srećke, učesnik je dužan prilikom isplate, na zahtjev ovlaštene osobe koja obavlja isplatu, predati na uvid svoju važeću ličnu kartu ili pasoš.

Član 13.

Porez na dobitak snosi učesnik koji je ostvario dobitak na srećki, u skladu sa Zakonom.

Robno - novčani dobitak čini fakturna vrijednost automobila sa PDV-om i dio novca do ukupne vrijednosti od 25.000,00 KM.

Razliku od faktorne vrijednosti robnog dobitka sa PDV-om, Priređivač će isplatiti dobitniku.

Uručivanje robnog dobitka – automobila, je javno.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci koji nisu isplaćeni do roka iz stava 1. ovog člana, smatraju se neisplaćenim dobitcima, što se konstatuje zapisnički od strane Službe kontrole i Komisije koju imenuje generalni direktor Priređivača.

Član 15.

Priredivač ne snosi odgovornost za srećke koje su na bilo koji način nestale ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priredivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priredivača. Licima zainteresiranim za učešće u ovoj igri na sreću Priredivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Prodaja srećke može se prekinuti samo u slučaju da nastupe okolnosti za koje Priredivač nije odgovoran, odnosno koje nije mogao spriječiti, otkloniti ili izbjeći.

Član 19.

Za rješavanje eventualnih sporova, proisteklih iz učešća u ovoj igri na sreću, mjesno i stvarno nadležan je Općinski sud u Sarajevu.

Član 20.

Ova Pravila stupaju na snagu danom donošenja, a primjenjivaće se danom puštanja u prodaju 1. serije srećke i ista će se objaviti u jednom od dnevnih novina.

Broj: 01-24-346-6/10.
Dana: 05.03.2010.god.

PREDSJEDNIK

Zdravko Rajić, s.r.